

傅璇琮 徐海榮 徐吉軍 主編

五代史書彙編

捌

杭州出版社

傅璇琮

徐海榮

徐占軍

主編

五代史書彙編

捌

杭州出版社

總目

甲編

舊五代史考異		清	邵晉涵撰	一
五代史記纂誤		宋	吳 縝撰	五三四
五代史志疑		清	楊陸榮撰	五八五
五代史記補考		清	徐 炯撰	六七九
五代史記纂誤補		清	吳蘭庭撰	二七七
五代史記纂誤補續		清	周壽昌撰	一四六三
五代史記纂誤續補		清	吳光耀撰	一四七七

乙編

玉堂閑話		五代	王仁裕撰	一八二九
于闐國行程錄		五代	平居誨撰	一九三七

周世宗實錄

.....

宋王溥撰 一九四五

五代會要

.....

宋王溥撰 一九六一

五代登科記

.....

宋韓思撰 二三六七

洛陽搢紳舊聞記

.....

宋張齊賢撰 二二七七

五代史闕文

.....

宋王禹偁撰 二四四一

五代史補

.....

宋陶岳撰 二四六三

五代春秋

.....

宋尹洙撰 二五三七

五代名畫補遺

.....

宋劉道醇撰 二五五七

五代詩話

.....

清鄭方坤撰 二五八一

五代春秋志疑

.....

清華湛恩撰 二九九五

補五代史藝文志

.....

清顧懷三撰 三〇四五

補五代史藝文志

.....

清宋祖駿撰 三一〇五

丙編

五國故事

.....

宋佚名撰 三六九

九國志		宋	路振撰	三〇三
十國春秋		清	吳任臣撰	三三八
釣磯立談		宋	史溫撰	四九九五
南唐近事		宋	鄭文寶撰	五〇三九
江表志		宋	鄭文寶撰	五〇七一
江南餘載		宋	佚名撰	五〇九九
江南別錄		宋	陳彭年撰	五二五
江南野史		宋	龍衮撰	五四五
南唐書		宋	馬令撰	五四一
南唐書		宋	陸游撰	五四五
唐餘紀傳		明	陳霆撰	五六一三
南唐拾遺記		清	毛先舒撰	五七七五
補南唐藝文志		清	王振民撰	五七九三
王氏聞見錄		五代	王仁裕撰	五八三三

鑒誠錄		五代	何光遠撰	五八五九
幸蜀記		宋	居白撰	五九五五
野人閒話		宋	耿煥撰	五九八三
錦里耆舊傳		宋	句延慶撰	六〇一九
蜀檣杙		宋	張唐英撰	六〇五九
益州名畫錄		宋	黃休復撰	六一二一
吳越備史		宋	錢儼撰	六一六一
葆光錄		宋	陳綦撰	六二八一
三楚新錄		宋	周羽翀撰	六三一
南漢書		清	梁廷枏撰	六三三一
南漢叢錄		清	梁廷枏撰	六五七一
南漢記		清	吳蘭修撰	六五九五
南漢地理志		清	吳蘭修撰	六六八七

誠州。未幾復為邕州。

八月，葬天皇帝於康陵，上廟號曰高祖。

九月，命滕紹英如唐，賀仁壽節。

冬十月丙子，張遇賢陷循州，刺史劉傳死之。

光天二年春三月丙戌，帝遇弑。帝驕奢，不親政事。高祖在殯，召伶人作樂飲酒，宮中裸男女以爲樂。或衣墨縗，與倡女夜行，出入民家，由是山海間盜賊競起，帝莫能省。左右忤意，輒死，無敢諫者。惟越王弘昌及內常侍吳懷恩屢諫，不聽。而晉王弘熙日益進聲伎，誘帝爲荒恣。帝亦頗疑諸弟圖己，敕宦官守宮門，入者皆露素。帝酷好手搏，弘熙令指揮使陳道庠引力士劉思潮、譚令裡、林少彊、林少良、何昌廷五人，聚晉府習爲角觝以獻。是夜，帝與諸王宴長春宮，閱之，帝大醉起，道庠因與思潮等掖帝，拉殺之，盡殺左右侍從之人。帝立二年，年二十四，諡曰殤。

中宗本紀

中宗名晟，《五國故事》作第三主晟，又云晟本二名，上一字犯宣祖諱去之，據此則名弘晟矣。初名弘熙，封晉王。既令力士弑殤帝，明旦百官諸王莫敢入宮，越王弘昌乃帥諸弟臨於寢殿，迎弘熙，即皇帝位。更今名，改光天二年爲應乾元年。

應乾元年春三月丁亥，以弟弘昌為太尉兼中書令、諸道兵馬都元帥，知政事，循王弘杲為副元帥，參預政事。陳道庠及劉思潮等皆賞賚有差。《廣東志》云：封劉思潮等為功臣。

夏四月戊申朔，日有食之。

五月，帝殺其弟循王弘杲。帝既弑兄，立不順，懼衆不服，乃益峻刑法以威衆。已而弘杲屢請討賊，陰勸誅劉思潮等以止外議，思潮等反譖弘杲有二心，遂及於禍。是月，建武節度使齊王弘弼求人朝，許之。

秋七月，指揮使萬景忻敗張遇賢於循州，遇賢逾嶺而北。

冬十月，命弟韶王弘雅致仕。

十一月丁亥，祀天南郊，大赦，改元乾和，羣臣上尊號曰大聖文武元德大明至道大廣孝皇帝。歐陽《史》作大聖文武大明至道大光孝皇帝。今從《碧落洞天記》。

乾和二年春三月，帝使盜殺其弟越王弘昌於昌華宮，時弘昌謁襄帝陵於海曲，遂遇害。辛卯，以戶部侍郎陳偓同平章事。

夏六月乙巳，幽齊王弘弼於私第。

秋九月庚子朔，日食。

冬十月，鳳凰見邕州。丙午，帝殺其弟鎮王弘澤於邕州。

乾和三年秋八月甲子朔，日有食之；帝殺其弟韶王弘雅。

九月，劉思潮、林少彊、林少良、何昌廷伏誅。《五代史》云殺思潮等五人，而《通鑑》無譚令禪名，今從之。帝以左僕射王翺常謀立越王弘昌（二），出為英州刺史，尋賜死於路，內外皆懼，不自保。是時封惠州水東廟二神曰興祚王、泰民王。

乾和四年春二月壬戌朔，日食。

秋九月，劉道庠伏誅，并族其家及其友鄧伸。《五國故事》作鄧申，今從《五代史》。是時，割潮州之程鄉縣置敬州。《文獻通考》作恭州，蓋避宋諱也。

乾和五年春二月辛未，北平王劉知遠自立為帝，更稱天福十二年。

六月，晉主知遠改國號曰漢。

秋九月，帝殺其弟齊王弘弼、貴王弘道、定王弘益、辨王弘濟、同王弘簡、益王弘建、恩王弘暉、宜王弘照，盡殺其男，納其女，充後宮。帝恐諸弟與其子爭國，故同日見殺。是歲置湯鑊、鐵牀、剗剔等刑，號曰「生地獄」。

乾和六年夏六月戊寅朔，日食。

秋八月，帝遣工部郎中、知制誥鍾允章求昏於楚，楚王希廣不許。帝怒，問允章：「馬公復能經略南土乎？」允章對曰：「楚兄弟方爭亡不暇，安能害我？」帝曰：「然。希廣懦而吝嗇，其士卒忘戰日久，此乃吾進取之秋也。」

冬十二月辛巳，遣巨象指揮使吳珣、內常侍吳懷恩將兵擊楚，攻賀州。楚遣決勝指揮使徐知新將兵五千來救，未至，我師已拔賀州。珣鑿大甯於城下，覆以竹箔，加土，楚兵逼城，悉陷甯中，死者無筭。懷恩乘勝陷昭州，珣復侵桂州境，轉掠全州以歸。

乾和七年夏六月癸酉朔，日食。

冬十二月，帝如英州，受神丹於野人，隨御雲華石室以藏焉。

乾和八年冬十一月甲子朔，日有食之。

是歲，以宮人盧瓊仙、黃瓊芝為女侍中，一作女學士。朝服冠帶，參決政事。宗室勳舊，誅戮殆盡，惟宦官林延遇等用事，外內專恣，帝不復省。

乾和九年春正月，郭威即皇帝位於大梁崇元殿，國號周，改元廣順。

冬十一月，以內常侍吳懷恩為西北招討使，將兵屯桂州境。上密謀攻楚，楚遣指揮使彭彥暉屯龍峒以備我。時楚王弟希隱知桂州，潛召蒙州刺史許可瓊，可瓊畏我兵之逼，即棄蒙州趣桂州；懷恩乘勢取蒙州，進兵侵掠，桂管大擾。是月，帝遣希隱書，大略言：「唐兵已據長沙，桂林必為所得。本朝世為與國，重以昏姻，覩茲傾危，忍不赴救！已發大兵水陸俱進。」希隱得書，遲回不決。丙寅，懷恩引兵奄至城下，希隱及可瓊奔全州，桂州遂陷。懷恩因以方略定宜、連、梧、嚴、富、昭、柳、龔、象等州，始盡有嶺南之地。

十二月，遣內侍省丞潘崇徹、將軍謝貫將兵攻郴州，唐將邊鎬發兵來援，崇徹敗唐兵於義章，遂取郴州，所俘敗卒盡滅一臂以歸之。帝自是愈得志，陰令巨艦指揮使暨彥質以兵入海，掠商賈金帛。作離宮遊獵。益修葺南宮、大明、昌華、一作昭華。甘泉、玩華、秀華、玉清、太微諸宮，凡數千，不可勝紀。殿側皆置宮人以候曉，名曰「候窗監」。每宴會，帝獨處殿庭間，侍宴臣僚皆結綵亭，列坐殿之兩隅。宴酣，則有司以檻獸而進，兩旁翼以戈戟，帝親持弓矢下殿，有司引獸檻而前，逡巡獸出，移庭而上，帝挽弓射之，兩旁戈戟並進，獸乃斃。其為樂皆此類也。常夜飲，大醉，以瓜置伶人尚玉樓項，拔劍斫之以試劍，因并斬其首。明日酒醒，復召玉樓侍飲，左右白已殺之，帝歎息而已。

是歲，唐除全、道二州刺史，以備我師。

乾和十年夏四月丙戌朔，日有食之。是月，唐統軍使侯訓、全州刺史張轡寇桂州，我兵伏於山谷待之。唐兵至城下，伏兵四起夾擊，訓敗死，轡奔全州。

冬十二月，湖南王逵將兵及洞蠻五萬寇郴州，內侍省丞潘崇徹帥師往救，遇於壕石，崇徹登高望，曰：「湖南兵罷而不整，可破也。」縱擊大破之，伏尸八十里。是時，省宜州之崖山、東璽二縣。宜州，舊領龍水、崖山、東璽、天河四縣，今併為二。

乾和十一年春正月，分兵侵湖南全、道、永三州。

秋九月，帝寢疾，立子繼興為衛王，璇興為桂王，慶興為荆王，保興為禎王，崇興為梅王。癸亥，大赦。

乾和十二年春正月丙子朔，周改元顯德。壬辰，周主殂。丙申，晉王榮嗣皇帝位。是月，帝親耕藉田，以吳昌文為靜海軍節度使兼安南都護。初，吳權據交州，權死，子昌岌立；昌岌卒，弟昌文立，稱臣於我，故有是命。時遣給事中李璵以旌節招之，璵至白州，昌文使人止璵，曰：「海賊為亂，道路不通。」璵不果行。

夏四月戊午，帝殺其弟高王弘邈於邕州。

乾和十三年春二月庚子朔，日食。

夏六月戊午，帝殺其弟通王弘政於禎州。是時，博白縣緣舍村民自言：「山谷深邃，人迹少，至斗米一二錢。」有鳳大如鵝，五色有冠，而尾甚長。有司以聞。

乾和十四年春三月乙未，甘泉宮使林延遇卒。延遇陰險多筭，帝誅滅諸弟皆出延遇之謀，至是國人相賀。延遇病革時，復薦內給事龔澄樞自代，帝即日擢澄樞知承宣院及內侍省。是時周遣使來聘，帝欲盛誇嶺南之強，館接者遣使者以茉莉，文其名曰「小南強」，蓋譏之也。宋時後主人汴，諸臣不識牡丹，有朝臣謂之曰：「此名大北勝。」蓋報此語。

乾和十五年冬十二月，中書侍郎、同平章事盧膺卒。

是歲，帝聞唐兵屢為周人所敗，憂形於色，遣使入貢中朝，復為湖南隔之，乃治戰艦，修武備；既而曰：「吾身得免，幸矣，何暇慮後世哉！」又常自言知星，會月食牛女間，出書占之，歎曰：「吾當之矣！」因縱酒為長夜之飲。是時，廢儋州之富羅縣、萬安州之富雲博遼二縣。儋州舊領義倫、昌化、感恩、洛陽、富羅五縣，萬安州舊領萬安、陵水、富雲、博遼四縣。

乾和十六年春□月，卜葬域於興王府城北，運甕為壙，帝親臨視之。

秋八月辛巳，帝殂，年三十九。諡曰文武光聖明孝皇帝，廟號中宗，陵曰昭陵。

十國春秋卷第六十

南漢三

後主本紀

後主名鋹，初名繼興，封衛王，中宗長子也。乾和十六年八月辛巳，襲位，更今名，改是年為大寶元年。帝時年十六，委政於宦者龔澄樞、陳延壽一作延受及才人盧瓊僊等，臺省官僅充員而已，機密事多不與。又踵祖、父之奢，立萬政殿，飾一柱，凡用白金三千鎰。又以銀為殿衣，間以雲母，無名之費日有千萬。是歲，建天華宮於羅浮山。初，帝夢神人指羅浮山之西，去延祥寺西北，有兩岸相疊，一洞對流，可以為宮，及訪其地，則金沙洞也，遂築宮焉。已又夢金龍起於宮所，復改名曰黃龍洞。

大寶二年秋□月，擢中書舍人鍾允章為尚書右丞、參政事，一作左丞、參知政事。帝以允章藩府舊僚，甚加委任。允章請誅亂法者數人，以正綱紀；帝不從，宦官聞而惡之。

冬十一月，內侍監許彥真誣鍾允章謀反，龔澄樞、李託證成之，帝殺允章併其二子。辛亥，帝祀圓

丘，大赦，以玉清宮使龔澄樞為左龍虎觀軍容使、內大師，軍國事俱取決焉。

帝性愚，以羣臣自有家室，顧子孫不能盡忠，惟宦者親近可任，至羣臣欲進用者俱自闔，然後用。澄樞等既專政，帝乃與宮婢波斯女日淫戲後宮，甚嬖之，賜號曰「媚猪」，自稱「蕭閒大夫」，不復出省事。中官至七千餘，一云近二萬人。加三公、三師者，不一而足。女官亦有師傅、令僕之目。陳延壽又引女巫樊胡子，自言玉皇降胡子身。帝於內殿設帳幄，陳寶貝，胡子冠遠遊冠，衣紫霞裾，坐帳中，宣禍福，呼帝為「太子皇帝」，國事多叩於胡子。盧瓊僊及澄樞等爭附之。胡子乃詐言瓊僊、澄樞、延壽皆上天使來輔太子，不可輕加以罪，其誕妄多此類。又有梁山師、馬媼之徒，出入宮掖，宮中婦人皆具冠帶，以領外事。

大寶三年春正月甲辰，周禪位於宋。宋改元建隆。內常侍邵廷珪言：「真主已出，必將盡有海內，其勢非一天下不已。」勸帝修兵為備，不然悉珍寶奉中國，遣使以通，帝憮然莫以慮，惡其言直，深恨之。三月，帝殺其弟桂王璇興。先是，陳延壽進謀曰：「先帝所以得傳陛下者，由盡殺羣弟也。」帝領之，由是璇興死。上下咸怨，而紀綱大壞。

夏四月，賀乾德節。後主誕日也。驩州牙將丁部領領交趾事，號大勝王。初，吳昌文卒，其參佐呂處珪與峰州刺史喬知祐爭構亂，丁部領率其子璉擊敗處珪，遂為衆所推。

是歲，帝命荔支熟時設紅雲宴，以樂後宮，歲以為常。

大寶四年夏四月癸巳朔，日有食之。

是歲，野曹一作芝菌生於宮殿，野獸觸寢門，狐鳴鬼哭。又苑中羊吐珠，御井旁石自立，行百餘步而仆。樊胡子謬以為符瑞，諷羣臣入賀。

大寶五年冬十二月，以宦者李託為內太師、六軍觀軍容使。初，帝納託養女，長為貴妃，次為美人，有寵；至是，詔國政皆稟託而後行。

是歲，族誅許彥真。彥真既讒殺鍾允章，惡龔澄樞居己上，頗欲以計誅澄樞，澄樞使人告彥真反，因有是命。是時，城以內行乾亨鉛錢，城以外行乾亨銅錢，犯禁者罪至死。凡百官俸祿給銅錢者，多出自上恩焉。《十國紀年·漢史》曰：乾和後多聚銅錢，城內用鉛，城外用銅，禁其出入，犯者抵死。俸祿非特恩，不給銅錢。

大寶六年冬十一月，宋改元乾德。是時，帝作燒煮剝剔、刀山劍樹之刑，或令罪人鬪虎抵象。又賦歛煩重，邕民入城者，人輸一錢。瓊州斗米稅五錢。置媚川都於合浦縣，定其課，令人海五百尺採珠。所居宮殿以珠、玳瑁飾之，益置魚英託鏤、椰子立壺壺四隻，各受三斗。諸寶器於其中。魚英者，故魚腦骨燴治之成器，嶺海人以為希有也。中官陳延壽作諸淫巧，動糜斗金，離宮數十，帝不時遊幸，常至月